



SAKSPAPIR

Saksnr	Utval	Type	Dato
09/2020	Administrasjonsutvalet	PS	30.09.2020

Sakshandsamar	Arkiv	ArkivsakID
Åse Elin Myking	FE-033	20/747

SENIORPOLITIKK

Rådmannen sitt framlegg til vedtak:

Administrasjonsutvalet støttar forslaget om meir aktiv informasjon om kommunen sin seniorpolitikk.

Administrasjonsutvalet - Sak 09/2020

ADM - Behandling:

Assisterande rådmann Åse Elin Myking orienterte om saka.

Utvalet drøfta saka.

Lillian Seim, Arbeidstakarrepresentant la fram eit tilleggforslag:

Seniortiltak skal inn som ein obligatorisk del av medarbeidersamtalen til alle tilsette, 60 år og eldre. Der desse ikkje ynskjer eller får tilbod om medarbeidersamtale, skal arbeidsgjevar sikre at dei blir kalla inn til ein eigen seniorsamtale.

Det vart først røysta over rådmannen sitt framlegg til vedtak som vart samrøystes vedteke.

Det vart deretter røysta over tilleggforslaget som vart samrøystes vedteke.

ADM - Tilråding/Vedtak:

Administrasjonsutvalet støttar forslaget om meir aktiv informasjon om kommunen sin seniorpolitikk.

Seniortiltak skal inn som ein obligatorisk del av medarbeidersamtalen til alle tilsette, 60 år og eldre. Der desse ikkje ynskjer eller får tilbod om medarbeidersamtale, skal arbeidsgjevar sikre at dei blir kalla inn til ein eigen seniorsamtale.

Saksopplysningar:

Samandrag/konklusjon (kort om saka)

Fagforbundet har spørsmål og forslag til meir aktiv informasjon om kommunen sin seniorpolitikk. Relativt få tilsette tar ut AFP ved 62 år, fleire ved 65 år. Tala har vore stabile over tid. Seniorpolitikken vert revidert som del av oppdatert arbeidsgjevarpolitikk.

Bakgrunn for saka

Fagforbundet har sendt inn spørsmål om seniorpolitikk til administrasjonsutvalet. Vaksdal Kommune har gjeldande seniorpolitikk vedteken 01.11.2007. Fagforbundet Vaksdal har fått melding frå medlemar som nærmar seg/er i aktuell alder for senior tiltak. Fleire får ikkje informasjon frå leiaren sin om kva for moglegheiter dei har. Fagforbundet meiner det er viktig at retningslinjer og rutinar blir gjort kjend og følgd opp av leiarane, for å sikre at flest mogleg står i arbeid ut over 62 år.

I Vaksdal Kommune sin arbeidsgjevarpolitikk står følgjande;

Eit av måla for Vaksdal kommune frametter er at arbeidstakarane skal vera i arbeid fram til ordinær pensjonsalder. Dette handlar om å gjera seg nytte av eldre medarbeidarar sin kunnskap og erfaring, samtidig som arbeidstakarar skal sikrast mogelegheit for fagleg fornying og utvikling. Det er viktig å nytta den solide erfaringa som eldre arbeidstakarar har på ein måte som fører til verdifull læring for yngre tilsette. Gjennom medarbeidersamtalen vil arbeidsgjevar kunne leggje til rette for arbeidsoppgåver tilpassa den enkelte.

I tråd med dette ynskjer Fagforbundet at Vaksdal Kommune vert meir aktiv ovanfor seniorane, for å ivareta og betre utnytte verdifull kompetanse. Me ber om at seniortiltak blir ein del av medarbeidersamtalen for alle som er 60 år og eldre.

Me ber administrasjonen leggje fram følgjande:

- Oversikt over kor mange som årleg går av med AFP.
- Kva kostar det kommunen årleg med AFP pensjonistar?

Vaksdal sin seniorpolitikk er frå 2007 og skulle etter planen vore revidert i samanheng med arbeidsgjevarpolitikken. Mykje har endra seg på desse åra og det kan veran behov for å justere tiltaka. Rådmann vil setje i gang arbeid med revisjon av seniorpolitikken som del av arbeidsgjevarpolitikken så raskt som mogeleg.

Svar på spørsmål 1: Oversikt over kor mange som årleg går av med AFP: Ein tredjedel av våre tilsette var i aldersgruppa 55 år og over i fjor. Relativt få går av med AFP i aldersgruppa 62-64, litt fleire frå 65 år. Det varierer litt med årskulla, men er elles liten forskjell dei siste åra. Vaksdal skiller seg ikkje ut samanlikna med andre kommunar. Ny offentleg pensjonsordning slår først inn om 6-7 år, når 1963-kullet blir 62 år.

2019:

I 2019 var det 20 personar som fekk utbetalt seniorbonus. .

AFP 62 – 64 år (KLP): Det er 4 personar som har tatt ut full AFP i 2019

AFP 65 – 66 år (KLP): Det er 2 personar som har tatt ut full AFP i 2019

AFP 62 – 67 år (SPK) : Det er 3 personar som gjekk frå delvis til full AFP i 2019

2018

I 2018 var det 31 personar som har mottatt seniorbonus.

AFP 62-64 (KLP): Det er 3 personar som har tatt ut full AFP i 2018.

AFP 65-66 (KLP): Det er 6 personar som har tatt ut full AFP i denne aldersgruppa i 2018.

AFP 62-67 (SPK): Det er 3 personar som har tatt ut AFP i 2018.

2 som gjekk frå delvis AFP til full AFP, 1 som gjekk ut i full AFP.

Spørsmålet om kostnader ved uttak av AFP må undersøkjast litt nærare og vert lagt fram i møtet. Sidan vi ligg på snittet har vi valt å vere med i utjamninga i pensjonsordninga.

Vurdering og konsekvensar

Rådmann er samd med Fagforbundet i at det er viktig å ivareta og nytte seniorar med verdifull kompetanse og støttar oppmodinga om meir aktiv informasjon til målgruppa om seniortiltak.